

خزینہ اوراق

جمعہ ابرتسی ۱ مایس سنہ ۱۲۹۷ تاریخ تأسیس

نومرو
۱۸

عمومی اعتباریله فنونه دائر رسالہ ادبیہ در

آیدہ درت کرہ اولہرق جمعہ ابرتسی کونلری چیقار

صبحی پاشا حضر تارینک لایحه سندن مابعد

بیک ایکوز یتش سندہ سندہ دخی سکرز ملیون لیرہ استقراض
اولنوب تنزیلات ومصارفندن صکرہ بش ملیون یوز قرق
طقوز بیک ایکوز اوتوز یدی لیرہ خزینہ به کیردی وسالف
البیان درت ملیون یوز بیک کیسه اقچه قائمہ وقائمہ اعتباریله
اولان دیون غیر منظمه فی قالدیرمق ایچون یکریمی ایکی ملیون
لیرہ لق قونسلیده حاضرلہرق و بورج اولسان پاره دخی
قائسلہرق فائضسز اولان درت ملیون یوز بیک کیسه فی ادا
ایچون نقداً سکرز ملیون وقونسلیده اولہرق یکریمی ایکی ملیون
لیرہ کہ آلتی ملیون کیسه اقچه فائضی دینہ کرفتار اولدق و بو
دینک سنوی فائضی التون اولہرق اوچیوز التمش بیک کیسه
اقچه یه بالغ اولدی و برسنہ صکرہ یوز الی ملیون ومتعاقباً
الی ملیون فرائق دخی بورج ایدوب بو اقچه دن دخی خزینہ یه
یالکرز یوز یکریمی ایکی ملیون یدیوز طقسان بیک التمش سکرز
فرائق داخل اولوب یوزده لک نقصانی وسائر مصارف یتش
یدی ملیون ایکی یوز طقوز بیک طقوز یوز اوتوز ایکی فرائقده

بالغ اولمغلہ تقریباً بش حصہ دہ انحق اویج حصہ سی خزینہ یہ
 کیردی بو اویج دفعہ دہ اولان استقراض دخی تماماً اویج ملیون
 ایکوز بیک کیسہ و سنوی فائضی بوز طقسان ایکی بیک کیسہ
 افچہ یہ بالغ اولدی و آرالقدہ غلطہ صرافلرندن فاحش فائضلر
 و شرطلرله کوچک کوچک استقراضلر اولندی و یالکز درتیوز
 بیک کیسہ افچہ اله قویمق ایچون اون سکر ملیون لیرہ لقی دخی
 قونسلیده ییقاریلوب بونده فائض جهتلہ ضرر اولماش
 ایسده تأدیہ سی محتّم اولان بر دین عظیم اللہ دخی کیریلہ رک
 قدیم وجدید دینلرک واسہام عادیه وقونسلیدلرک فائضی سندہ
 بر ملیون کیسہ افچہ یی تجاوز ایدوب بوتک اکثریسی دیون
 خارجیہ اولدیغندن سندہ تقریباً ممالک شاہانہ کزدن اوروپایہ
 یدییوز بیک کیسہ افچہ لک التون چیقمقدہ در اشبو دیون
 تأدیہ سی بر بری اوزرینہ حساب اولندقدہ تقریباً اوتوز بش
 سندہ قابل اولہ جنی جهتلہ بومدت ظرفدہ ممالک شاہانہ کزدن
 یکر می درت ملیون بشیوز بیک کیسہ افچہ التون اولہرق دیار
 اخرہ چکیلہ جکندن اخراجاتی ادخالانہ غالب اولان بر مملکتدن
 بوقدر نقودک خارجہ چیقمسی امور مالیہ جہ پک مخاطره لی بر
 حال اولدیغندن اگر بو یوکک عاجلا تخفیفنہ برچارہ بولمز
 ایسہ تکمیل مدتہ وقت قالمیوب اون بش سنہ ظرفدہ ممالک
 محروسہ دہ جنس معادن متداولہ منقرض اولہ جنی خفی دکلدر .

امور مالیہ نک اصلاحی

عاجلا اتخاذی لازم کلان تدابیرک برنجیسی خزینہ یہ مربوط
 اولان دواژدہ ابراد و مصرف دفترلرینک اصول منتظمہ دہ

تحریری و وقت وزمانی یکمدين شواهد بقیه اولان سندات
ایله برابر خزینه تقدیمی ثانیا هر دایره ابراد و مصرفی
خزینه دفترینه وقت و زمانیه نقل اولوب هر قنی زمانه
مراجعت ایجاب ایدر ایسه خزینه ابراد و مصرفی و دیون
و مطالبی و مال موجودی دفترندن علی وجه انچه بولمسی
ایجاب ایدر .

خزینه نك دفترلی قواعد حساب و دفتری به مطابق اوله درق
ضبط و تحریر اولندی حالده هر سنده باشنده صحیح بر موازنه
دفتری تحریری قابل اولور خزینه نك شمعی اصولی یا لکز
مقرر اولان واردات و مصارفی قیود عتیقه دن چیقاروب و غیر
مقرری سنین سالقده تطبیق و بعضیسی تخمین ایدوب سطحه
بر موازنه دفتری قرائیوب مقام صدارته تقدیم ایدر خزینه دن
یا پیلان موازنه هر نقدر دفاتر صحیح و منظمه دن ترتیب
اولغامش ایسه ده حقیقت حالدن و نفس الامر دن پکده بعید
دوشمیسوب تقریبی بزد دفتر ایکن باب عالی به کلوب حده افکار
دقیقه دن یکدکده فاحش اولان آچینی ازالتمق ایچون صدر
وقت اولان ذات مالیه ناظرینی و خزینه نك واردات و مصارفات
محاسبه جیلرینی نزدینه جلب ایدوب موازنه دفتری موضع
مذاکره چیقار و واردات ستونلری اوقنور ایکن واقعا یکن
سنه اعشار بدلی شوقدر ایدی لکن بو سنه محصولانده فیض
و برکت کالده اولدیغی کلان اخبار دن تبیین ایتشد بر همه حال
بو سنه بدل عشر زیاده اوله جقدر حتی نوره قوبده اعشار
بشیک کیسه فضله ایله احاله اولندی عومنده لا اقل ایکی یوز
بیک کیسه فضله اوله جغنده اشتباه یوقدر دیجه صدرک افکارینی

مأمور لر حس ایدوب خطالرینی اعتراف و اوآنده اعشار قلمی
تصحیح و هر بری وارداتی قبارتمغه مسابقت ایدوب کمی یکیدن
تأسیس اولنان مقاوله سنداتی وارداتندن شو قدر و کمی تحریر
املاکدن و کمی رسم دختندن بو قدر اوله جقدر دیرک واردات
ستوننی قباردر لر انجق اچیق بونکله قیایمزه صدر حضرتلری
بولیقده نك سکونتندن بحث ایدرک بوسنه عسکرک مقدارینی تقلیل
ایده جکر بناء علیه محصصات باب سرعسکریدن یوز بیک
وترسانه و طوپخانه دن قرق بیک کیسه تنزلی قابلدن دیجه
مصارف ستونندن دخی یوز قرق بیک کیسه تنزیل و فوق العاده
مصرف قلمی دخی چزه رک مصرف جهتی تقلیل ایدوب ایراد
و مصرف بر درجه متقاربه ده کلنجه موازنه دفتری مالیه ناظرینه
اعاده اولنهرق صورت مقررده بر موازنه دفتری تسوید
و تقدیم ایدر دفتر مذکور مجلس مخصوصده موقع مذاکره
قونیلوب رسمی بر مطالعه و مذاکره ایله تصدیق
و تبریک اولنهرق خاکپای همایونکره عرض اولنور .

بعضاً دخی مقام صدارته بولنان ذات بویه بر ساخته
موازنه دفتری تقدیمه جسارت ایتمیوب مالیه مأمورلرینک تنظیم
ایلدکلری موازنه دفترینی کلدیکی کی انجمن مخصوص وکلاده
موقع مذاکره یچیقاروب عریض و عمیق مطالعه ایدر لر
فقط بونلر هر یرده اولدینی کی ایراد دولتی اساس اتخاذ
ایدرک مصارفی وارداتک وسعته کوره ترتیب ایتمکه صرف
ذهن ایتمیوب مصارفی اساس ایدرک وارداتی مصرفه اویدرمغه
چالشور لر بونده دخی وارداتی تکثیر ایده جک اسباب دوشمنیوب
اوروپانک محتر و غدار صرافلرندن هر نه صورته اولور ایسه

اولسون استدانه قابل اولور ایسه کافی و غیر کافی و صحیح و غیر صحیح برقرارشولق تصور ایدوب مختصری اقتناع و فاحش فدا کارلقله بر استقراض ایدوب و بعضاً اوپه مدینی حالدیه بر طاقم بدع و مظالم اختراع و اهالی یه تحمیل ایدوب اوسسندی دخی بویله جه پکوررلر .

اشته بادشاهیم حال بومنوال اوزره جریان ایتمکده و خزینده کزک حالیه ذات شاهانده کزک و دیعه الله اولان تبعه سلطنت سنیه کز کوندن کونه خراب و زیون بقیه اضطراب اولمقده در . پادشاهیم یوقارودن برو بیان ایتدیکم اسباب و علل دنطولایی خزینده دولتک محمل اولدیغی بارکران مصارفی شمیدی واردات ایله قیامتق حد امکاده دکلسمده بعض اسباب مؤثره و سریعدنک اتخاذیله آتی تأمین ایتمک حالاً حد امکاده اولدیغی جهته امر ورخصت شاهاندری ایله عاجزانه خاکسای همایونکره من غیر حد بیان ایده جکم تدابیر بلطفه تعالی امور مالیهدنک اصلاحنه کافی اوله جغی ظندهیم .

مصالح سلطنت سنیه کزک هر فرعی محتاج اصلاح ایسمده بر دولتک امور مالیهدسی روح مثابه سمندده اولمقده ابتدا روحه خدمت ایتمک مقتضای حکمت اولدیغندن بو جهتهک اصلاحندن بدأ اتمک ایجاب حالدن اولدیغی قلب سلیم شاهاندرینک مسلی اولدیغنده اشتباه یوقدر .

نظارتی عهدده حکمتده پادشاهیلرنده اولمق اوزره مالیهدیه آشنا قوللرکزدن بر قاچ کشی انتخاب اولسمه رقی سرای همایو - نکرده تنسیقات مالییه مجلسی عنوانیه بر هیئتک تشکیلیه امور مالیهدی کمال سربستی و صداقتله مذاکره طرف شاهاندرندن

مأذون و هر نه عرض ایدر لسه موقع اجرایه قوانین جانی طرف
 هما یونکر دن تأمین بیورلد قدن صکره اساساً تعلیمات اولمق اوزره
 مواد آتیله قرار ویرمک ایچون قطعیاً فرمان بیورلمسی لازمدر
 اولا فروعدن باشلیه رقی تامرکز اداره مالیه دهک جعیع دفاترک
 الان اوروپاده دواتر مالیه ده جریان ایدن اصولده تنظیم او-
 نفسی ثانیاً واردات خزان سلطنت سفید کرک کمال دقت و حمتله
 ضبط دفتر اولنهرق مصارف جهتنده لزومندن فضله بر اقیچه
 مصرف کوسر تلماسی خصوصیه قرار ویرلدکدن صکره
 اجرانده بالنفس پادشاهمز اقدام بیوردقلری حالده مصارف
 ضروریه مژدن فضله بر مقدار اقیچه قالد جغندن اشو اقیچه خز-
 ینه نک دیونیه قارشولق طووتیاوب داینلرمز صحیحاً تأمین اولنور
 واوروپا فائضلری راده سندن زیاده جه بر ربع اله جقسلرندن
 و بوندن زیاده بر شی ویرمک قابل اولمدیغنی اثبات ایده جکرزدن
 اعمار ملک ایچون اهون فائضله یکیدن استقرار عقدی ایجاب
 محصلندن اولغله سهولتله حصول بولور .

مالک شاهانه کرک قسم اعظمی منطقه معتدله تحتده بولغله
 اهالیسنک ذکا و درایتی واسباب مدنیق تحصیل اهلیتی مسلم او-
 لدینی کی اراضینک دخی هر نوع زراعته قابلیت محتاج تعریف
 اولمدیغندن علوم و صنایع و تجارت و زراعتک تخمیه سی سائر دیار
 کی یک چوق کلفت و زحمت محتاج دکلدر .

منابع ثروتک اساسلری حرف و صنایع و تجارت و زراعتدر
 اقطار عالمه رفته رفته منتشر اولان خلائقک امر معیشتده
 اختلاق بولندقلری اقلیمک استعداد و قابلیتیه کوره اولور مثلاً
 انکلتزه و فرانسه ده ابتدا اسکان ایدن قبائل وحشیه عدد نفوا

سنه ممالك مذکورہ مک محصولات ارضیہ سی وافی ایکن عددلری
تکثر ایتدکده خارجدن جلب اقواته مجبور اولمیرله ائک بدلنی
تدارک ایچون محصولات صنایعیه بی استحصاله محتاج اولدیله
وصنعت تحصیلنه میل ایدرک حوائج ضروریہ لرینی اعمال ایتد -
کلری امتعه ایله مبادلہ وتدارک سعی ایلدیله حاصل ایتدکلری
اشیای دیار اخره کتوروب سائر اشیایه تبدیل ایتکه توسیط
ایدن اشخاص تجار واول اشیای اعمال ایدنلر اهل صنعت
اولوب شو ایکی طایفه صنعت و تجارتی ارتدروب اعمال ایتد -
کلری جهتله رغبت عمومیه باعث اولدی بو ایکی مملکت خلقی
سائر اقطار عالمده صنعت و تجارتله معروف اولدیله اکر
بو مملکتلرک اراضیسی بلاد شرقیه کبی واسع ومنبت اولوب
محصولات ارضیه اداره لرندن فضلہ اولیدی سهل الحصول اولان
زراعتی ترک ایله صنعتهمیل ایدرلمیدی؟ والبتہ ایترلردی.

بو دیار خلقنک علوم وفنون ریاضیه ده ودها طوغریسی
فنون مادهیده تقدملرینه سبب صحیح مطلقا ضیق معیشتدر
زیرا برنجی درجده حاصل اولان کثرت نفوسه عادی صورته
اجرا اولنان اعمال زرعیه مک محصولی کفایت ایتمیجه محصولی
تکثیر ایچون بر طاقم آلات زراعت ایجادینه وارضینک قوه
انبایه سنک تزیدینی موجب اولان اسبابک اتخاذینه سعی ایدوب
بوندن موالید و (ماکینزم) دیلان جر ائقال فنی ترقی ایتدی
وبو صورته استحصال اولنان محصول دخی معیشته کفایت
ایتمیجه خلقک بر طاقی صنایعه میل ایدوب صنعتی اتقا ایچون
کیمیا وهندسه تحصیلنه مجبور و تجارت فنون بحریه مک تقدمنه
وبوده نجوم علمنک تعلنه سبب اوله رقی بلاد غربیه ده علوم ریاضیه

ضیہ بر درجہ عالیہ ایصال اولئدیکہ بونلردن دھا نیجہ نیجہ
فنلر تولد ایلدی .

بلاد شرقیہ نك حالى ایسه بسبتون بو کامیاسدر شویله که
شرقه ساکن اولان اھالی عددجه اون بش مثله وارسه دارا-
ضینک اتساعی وقوه انباتیہ سنک جیادتی بونلری اعاشیہ کافی
اولدیغندن ماعدا اقواتک استحصالی سهولتی اولدیغندن اھالینک
افکاری حرف وصنایعک تحکیم وترقیسی طرفته میل ایتیسوب
جناب حقل بونلره احسان ایتدیکی رخا معیشت وطیب مسکن
تشکرینک ایفانمنه مجبوریتله خدای متعال حضرتلرینی طرق مختلفه
ایله تقدیس امرنده اعمال افکار ایدوب علوم عقلیه ودینیہ
بلاد شرقیہ ده حیرت شرف و اتقا بولوب اھالیسی اخلاق مرضیہ
وصفات ملکیه ایله جملہ جهان خلقتنه تفوق ایتدیلر .

پادشاهم جناب حقل طبایع مواقع ومخلوقاتہ احسان بیورہ
دیغنی مزایای فرقدن عاجز اولانلر بلاد غریبہ نك عادات
وجبلاتنه و امر معیشتہ اتخاذ ایتدکلری مسلکک تقلید ایتک
استرلر تغیر طبیعت قابلیدر؟ جناب حقل خلقتی تبدیل ممکنیدر؟
مابعدی وار

توحید

الہی پادشہلر پادشاهی * نہ حیرتبخشدر صنعک الہی!
ازلده جلوه فرمانک اولمش * وجودک مصدر عزت پناھی
نہ قدرتدر ایدن ایجاد وایقاد * سموات وزمین مہر وماھی
نہ قدرتدر ایدوب تدویرارضی * قیلان وارستہ جوششدن مباھی